

欽定八旗通志卷首之二

天章二

世宗憲皇帝御製詩

賜莊親王

一本論爪爬連枝喜最親推恩先邇室畧分講家人盡
洗膏梁習須教學業醇股肱兼耳目屬望更諄諄

賜裕親王

朱邸連雲翼紫宸屏藩重望屬親臣銀潢派接宸波近

玉葉枝分湛露新善體詒謀惟愛國遠承家法在勤民
同心夾輔應無忝長鞏瑤圖億萬春

賜怡親王

天上根盤若木枝朝陽輝映日紛披葵心北拱輪丹禁
棣萼春榮護赤墀幹濟有才類入告臆司無缺亦書思
忠勤佐就昇平業長保勳名奕世垂

賜果親王

花萼連枝夾帝京英才挺秀信維城中和自保瓊瓊福

恭敬無勞赫赫名同氣一堂親燕笑推恩子禩佐休明
更期永矢忠勤節長看盤根應候榮

賜大學士馬齊

黃扉出入領朝簪宿德耆英眷注深才是濟川需作楫
功同望歲佇爲霖常思國事如家事益勵臣心沃主心
喜起明良傳盛烈薰風千載播瑤琴

賜大學士松祝

玉陛覘風度金甌卜姓名常時依紫極何以福蒼生化

理資調變訐謨屬老成公忠勤體國力爲贊昇平

賜大學士白潢

密勿黃扉重清時掌國均平成需弼亮光輔貴經綸共
勉三公職無慚一个臣蓼蕭多雨露應及老成人

賜大學士徐元夢

位以中台峻名因主眷高六卿推舊德百職藉薰陶報
國訐謨切銜恩翊贊勞運籌稱自昔前席禮頻叨

賜內大臣馬武

禁籞宣勞重近臣
貂蟬奕葉載恩綸
入叅帷幄抒丹悃
出典周廬翊紫宸
鎮靜實堪心膂寄
老成尤見性情純
天家濺澤無私厚
勤恪應霑雨露頻

賜尚書孫柱

卿月光華燦朝廷
任重臣分曹資輔國
列位濟斯民正
直先寮屬端嚴
領縉紳所期弘偉畧
報國不謀身

賜莊親王

金章玉珮冠通侯
班列彤階最上頭
儀表宗潢高樂善

屏藩王室重宣猷
桐圭分錫開朱邸
棣萼聯輝映鳳樓
捧日丹忱勤翼贊
天家恩澤自長流

賜果郡王

天潢崇錫爵宗子
重維城共荷屏藩
寄知敦翼贊情好
書傳沛獻樂善紀
東平望古幾前哲
相期保令名

賜怡親王

勤政樓頭花萼芳
親賢心膂藉匡襄
忠誠謹慎謨猷著
公正廉明譽望彰
經理度支需贊畫
疇咨水土奏豐穰

年年景福由天賜長乘丹衷達九閭

賜總督查弼納

時雍佳氣浹寰瀛繡戟牙幢制閩榮兩省風霜澄吏治
三春雨露洽輿情位高定效公忠實職鉅非循廉謹名
文武兼資才自裕佇期嘉績佐昇平

賜總督楊宗仁

絳節金章制上游雄藩兼控主恩優分疆名帥歸鈴轄
繡錯方州待運籌文武和衷羣吏憲軍民一體大臣猷

殷勤早夜遵天語會見酬庸第一流

賜淳親王

滿樹繁花應候榮蟠根奕葉託瑤京試看華萼相承意
更聽壘篴迭和聲帶礪永存苗裔業豆籩有踐弟昆情
天朝屏翰家庭事莫負皇心眷顧誠

賜都統拉錫

羽林十二應星文直宿周廬向夜分陣識風雲才自裕
身依日月志彌勤鷹揚早領熊羆士虎拜常參鶴鷺羣

辦得丹心捧宸極時清莫漫羨奇勲

賜提督郝玉麟

元戎擁節鎮巖疆特簡殊榮姓氏香閩外長城資一面
胸藏武庫靖多方旌旗整暇軍容肅紀律嚴明士氣揚
盛世籌邊重頗牧楓宸應爲錫龍光

賜提督高其位

太和累洽慶橐弓專閩還推赫濯功裨益軍民資偉畧
劑調文武在和衷拊循正及從容日謀勇皆由訓練中

元老旗常書茂績雅歌應有穆如風

賜怡親王

皇皇藩服惟德是榮眷言賢王謨猷光明夙夜小心以
忠以誠弼予一人庶績用成嘉茲翊贊朱邸斯營上棟
下宇永安且寧有策其基有壯其楹奕世承之長衛帝
京慶旣令居式昭頌聲

如意歌賜怡親王

彩雲冉冉鸞鶴翻鸞鶴背馭雙神仙南極西池環珮聯

雙雙同慶帝胄賢手執如意來當前篆刻蝌蚪黃金填
晶瑩上下星文躔瑤臺此日喜氣偏琅琅更聽仙語傳
唱隨偕老如和絃旣指山海爲歲年復言日月同團圓
煌煌帶礪眷便便子孫永保福且綿予因仙語嘉喜駢
爲爾歌雙如意篇

巳酉夏南甸大閱

陳師鞠旅卜良朝萬里餼糧備已饒習戰自能嫻紀律
臨戎惟在戒矜驕劍瑩鷓鴣清光閃旗繞龍蛇赤羽飄

聽徹前鋒歌六月雲臺合待姓名標

其二

風拂榆槐曉角鳴築壇選將命專征颼颼羽箭穿楊巧
獵獵雲旂耀日明萬里玉關平虜穴三秋瀚海渡天兵
裹糧帶甲須珍重掃蕩塵氛遠塞清

賜總督高其倬

崇牙高建秉洪鈞遠控巖疆軼等倫兩省山河司筦鑰
萬民肥瘠視經綸還持絳纛開軍壘永矢丹忠答禁宸

操凜冰霜功帶礪匡時重鎮眷良臣

哭怡賢親王二首

宗室屏藩重朝端柱石崇持身惟正直應物本虛公青
史經天畧丹心貫日忠銜哀爲作誄難與述豐功

其二

總帳陳筵日雲輶載道時悲深萬民淚痛失百寮師獻
替猶如昨儀容儼在斯可憐風雨急花萼損連枝

怡賢親王輓詩三十韻

天錫親賢篤本支惟王德業贊純熙功存廊廟寰區仰
道冠宗藩百辟儀少日溫恭承

帝眷壽齡孝謹荷

恩慈問安每候龍樓啟扈蹕常隨豹尾馳圭璧精神昭
粹質鳳麟苞彩擅英姿自然才藝該文武卓爾端凝絕
黨私三紀無慚臣子道八年攸賴股肱資溯從大統祇
承日歷想嘉猷翊輔時佐理萬幾安億兆綜釐庶政挈
綱維度支式定邦財裕水利功興浩澤施減賦蠲逋勤

布算櫛風沐雨勸鋳基淤流通處成膏壤田隴開時養
稻粢九品掄才分玉石六韜訓士總熊羆霜威秋肅明
條教愷澤春溫善撫綏萬里邊防襄廟算兩軍輸輓佐
疇咨任兼官府仔艱鉅理析毫釐辨等差偉績固難更
僕數清標更繫久長思撝謙不恃金枝貴精白匪求黼
座知樂善薦賢時疊疊奉公體國日孜孜寬仁恤下孚
羣望廉潔居心凜自持八字褒崇皆實行四時賜賚必
晴曦慶流正喜天人合善積還期福祿宜豈意廣揚方

際盛忽驚寢疾永睽離鞠躬遑恤身前計矢志空餘沒
後悲猶憶懇情辭吉地竟循薄葬守遺規公卿徒步隨
旌仗老穉扶觀泣路歧贈諡載光崇德典加壇還樹冊
勲碑明禋配享千秋重素服銜哀浹月期縱極寵榮頒
禮數難酬懿美罄言詞應知靈爽歸仙籍留得鴻名萬

古垂

年華迅速倏值端陽箱貢冰紈案陳角黍於願賜
諸王大臣之際念及吾弟怡賢親王仙遊已週